

KATERSUINIARNEQ

Meeqqat Ikiortigit-mut 1 million koruunit missarpiaat katersorneqarput

Aningaasat meeqqanut inissinneqarsimasunut ilaquaannullu nutaamik suliniummut atorneqassapput



Aningaasat katersorneqartut suliniummut aalajangersimasumut immikkoortinnejareerput
Leiff Josefsen

NUKA JØRGENSEN | Sunday, 01. November 2015 - 14:33

1.023.000 koruunit.

Aningaasat taama amerlatigisut Meeqqat Ikiortigit Red Barnet Grønlandimut katersorneqarput, arfininngormat oktobarip 31-anni KNR-kut toqqaannartumik nuna tamakkerlugu katersuiniartoqarmat.

Angerlarsimaffeqassapput

Nuna tamakkerlugu katersuiniarnermi qulequtarineqarpoq 'Meeqqat tamarmik angerlarsimaffeqartariaqarput'.

Nunalu tamakkerlugu katersuiniarnikkut Meeqqat Ikiortigit sammitinniarpaq pitsaasumik angerlarsimaffeqarneq meeqqanut qanoq pingaaruteqartigisoq.

Angerlarsimaffik pitsaasoq assigiinngitsorpassuarnik iluseqarsinnaavoq. Assersuutigalugu meeqqat inaanni najugaqartotqarsinnaavoq, angajoqqaarsiani imaluunniit ilaquuttani, meeqqap angajoqqaarinngisaani.

Angerlarsimaffimmi sinaakkutassanik pilersitsisoqartassaaq meeqqap ineriartorneranik inuulluarneranillu qulakkeerinnettumik, peqatigiiffik erseqqissaavoq.

Nutaamik suliniut

Nuna tamakkerlugu katersuniarnikkut isertitat atorlugit Red Barnet kissaatigaa suliniummik aallartitsiniarluni, ilaqtariit meerartaallu inissinneqarsimasut pitsaasunik misigisaqaqatigiinnissaat siunertalarugu.

Meeqqanut inissiisarfiiit peqatigalugit Meeqqat Ikiortigit meeqqat inissinneqarsimasut sinaakkutassanik pitsaasunik atugassaqartikkusuppa, sapaatit akunnerisa naanerini angajoqqaavitik peqatigigaangamikkit.

Peqatigiiffiup tikkuarpaa angajoqqaanut meeqqanullu peqatigiittarnissaq pingaaruteqartoq - piffissamtatigeqatigiiffiusumi misigisaqaqatigiiffiusumilu, taamaasilluni meeqqat angajoqqaallu kigaatsumik imminnut qanilliartorisnnaallutik.